

«Қазақстан Республикасы  
Денсаулық сақтау министрлігі  
Медициналық және  
фармацевтикалық бақылау  
комитеті» РММ Төрағасының  
2024 ж. « 27 » \_\_\_\_\_ 09 \_\_\_\_\_  
№N079775 бұйрығымен  
**БЕКІТІЛГЕН**

**Дәрілік препаратты медициналық қолдану  
жөніндегі нұсқаулық (Қосымша парак)**

**Саудалық атауы**  
Пиковит®

**Халықаралық патенттелмеген атауы**  
Жоқ

**Дәрілік түрі, дозалануы**  
Шербат, 150 мл

**Фармакотерапиялық тобы**

Ас қорыту жолы және зат алмасу. Дәрумендер. Полидәрумендер қарапайымдар.

АТХ коды А11ВА

**Қолданылуы**

- дәрумендерге қажеттіліктің жоғарылауымен қатар жүретін жай-күйлердің алдын алуға
- мектеп жасындағы балалардың қажуында
- дене және жүйке-психикалық жүктемелері жоғарылағанда
- тәбеттің болмауында және тамақтың тұрақты емес, толыққанды емес немесе біркелкі рационьында
- өткерген аурулардан кейінгі сауығу кезеңінде
- организмнің инфекциялық және суық тию ауруларына қарсыластығын арттыру үшін
- антибиотикпен емдеуден кейінгі қосымша дәрі ретінде.

**Қолданудың басталуына дейінгі қажетті мәліметтер тізбесі**

*Қолдануға болмайтын жағдайлар*

- Әсер етуші заттардың кез келгеніне және (немесе) қосымша заттардың кез келгеніне аса жоғары сезімталдық.
- Қант диабеті (5 мл препараттың құрамында 3,3 г сахароза бар).
- Сирек кездесетін тұқым қуалайтын фруктоза жақпаушылығы, глюкоза-галактоза мальабсорбциясы немесе сахараза-изомальтаза тапшылығы.
- А және D гипервитаминозы.

### ***Қолдану кезіндегі қажетті сақтандыру шаралары***

Несептің ашық сары түске боялуы мүмкін, бұл мүлдем зиянсыз және препаратта рибофлавиннің болуымен түсіндіріледі.

### ***Басқа дәрілік препараттармен өзара әрекеттесуі***

С дәрумені сульфаниламидтер (соның ішінде несепте кристалдардың пайда болуы) тобынан микробқа қарсы дәрілердің әсері мен жағымсыз әсерлерін күшейтеді.

Құрамында дәрумендер бар басқа препараттармен бір мезгілде Пиковит® шәрбат препаратын қабылдау ұсынылмайды.

### ***Арнайы сақтандырулар***

#### ***Жүктілік немесе лактация кезінде***

Жүктілік және бала емізу кезінде қолдану дәрігердің (Пиковит® шәрбат препаратындағы дәрумендердің дозалары балаларға бейімделген) ұсынысы бойынша мүмкін.

#### ***Қосымша заттар туралы ақпарат***

Пиковиттің құрамында *сахароза және глюкоза* бар. Тістер үшін зиянды болуы мүмкін.

Фруктозаға жақпаушылығының сирек тұқым қуалайтын проблемалары, глюкоза-галактоза мальабсорбциясы немесе сахараза–изомальтаза жеткіліксіздігі бар пациенттер бұл препаратты қабылдамауы тиіс.

5 мл шәрбаттың (1 өлшеуіш қасық) құрамында 3,3 г *қант* бар. Бұл ақпаратты қант диабеті бар пациенттерге ескеру керек.

Пиковит® құрамында аллергиялық реакциялардың дамуын тудыруы мүмкін *Ропсеан 4R (E124) бояғышы* бар.

1 өлшеуіш қасықта (5 мл) шәрбаттың құрамында 7,5 мг *натрий бензоаты* бар.

Бұл препараттың бір дозасының құрамы 1 ммоль *натрийден* (23 мг) аз, яғни, құрамында натрий жоқ дерлік.

*Препараттың көлік құралын немесе қауіптілігі зор механизмдерді басқару қабілетіне әсер ету ерекшеліктері*

Пиковит® шәрбат препараты көлік құралдары мен механизмдерді басқару қабілетіне әсер етпейді.

## **Қолдану жөніндегі нұсқаулар**

### ***Дозалану режимі***

*1-ден 3 жасқа дейінгі балалар:* шәрбатты тәулігіне 2 рет 1 өлшеуіш қасықтан (5 мл).

*4-тен 6 жасқа дейінгі балалар:* шәрбатты тәулігіне 3 рет 1 өлшеуіш қасықтан (5 мл).

*7-ден 14 жасқа дейінгі балаларға:* шәрбатты тәулігіне 3 рет 1 өлшеуіш қасықтан (5 мл), ең жоғарғы доза - тәулігіне 4 рет.

Шәрбатты қасықпен немесе шаймен, шырынмен немесе жеміс пюресімен араластырып қабылдауға болады. Ұсынылған тәуліктік дозадан арттыруға болмайды.

### ***Енгізу әдісі және жолы***

Пиковит® шәрбатын ішу арқылы қабылдайды.

### ***Емдеу ұзақтығы***

Тәбет болмағанда шәрбатты 1 ай бойы күн сайын қабылдау керек. Қайта қабылдау курсы 1-3 айдан кейін.

### ***Артық дозалану жағдайында қабылдау қажет болатын шаралар***

*Симптомдары:* Ұсынылған тәуліктік дозадан асырмаңыз, жоғары дозаларды кездейсоқ қабылдаған кезде дереу дәрігерге хабарласыңыз.

Өте үлкен дозаларды ұзақ уақыт қолдану А және D гипервитаминозына әкелуі мүмкін.

А дәруменінің үлкен дозаларын қысқа мерзімде қолданғаннан кейін А гипервитаминозының симптомдары іштің ауыруы, анорексия, құсу, көрудің бұзылуы, бас ауруы, үйлестірілмеген қозғалыстар және терінің қызаруы болып табылады. А дәруменінің үлкен дозаларын ұзақ уақыт қолдану терінің жұқаруы мен қышуын, еріннің жарылуын, конъюнктиваның қабынуын, көздің зақымдануын, буындардың ауыруын, созылмалы бас ауруын және көп рет құсуды туындатуы мүмкін.

D дәруменінің үлкен дозаларын қолданғаннан кейін пайда болуы мүмкін D гипервитаминозының симптомдары: анорексия, салмақ жоғалту, шаршау, бағдардан адасу, құсу, іш қату немесе диарея, ауыздағы металл дәмі, ауыз қуысы шырышты қабығының құрғауы және шөлдеу.

*Емі:* Артық дозалану симптомдары дамыған жағдайда Пиковит® препаратын қолдану тоқтатылуы тиіс. Емі симптоматикалық.

### ***Дәрілік препаратты қолдану тәсілін түсіндіру үшін медицина қызметкерінің кеңесіне жүгіну бойынша нұсқаулар***

Осы дәрілік препаратты қолдану бойынша қосымша сұрақтар пайда болған жағдайда емдеуші дәрігердің немесе фармацевттің кеңесіне жүгіну керек.

**ДП стандартты қолдану кезінде көрініс беретін жағымсыз реакциялар сипаттамасы және осы жағдайда қабылдау керек шаралар**

*Иммундық жүйе тарапынан бұзылулар:*

*Өте сирек (<1/10000):*

- аллергиялық реакциялар болуы мүмкін.

Аллергиялық реакциялар пайда болған кезде, препаратты қабылдауды тоқтатып, дәрігермен кеңесу керек.

**Жағымсыз дәрілік реакциялар туындағанда медициналық қызметкерге, фармацевтикалық қызметкерге немесе, дәрілік препараттардың тиімсіздігі туралы хабарламаларды қоса, дәрілік препараттарға болатын жағымсыз реакциялар (әсерлер) жөніндегі ақпараттық деректер базасына тікелей хабарласу керек:**

Қазақстан Республикасы Денсаулық сақтау министрлігі Медициналық және фармацевтикалық бақылау комитеті «Дәрілік заттар мен медициналық бұйымдарды сараптау ұлттық орталығы» ШЖҚ РМК

<http://www.ndda.kz>

### **Қосымша мәліметтер**

#### ***Дәрілік препарат құрамы***

5 мл шәрбаттың құрамында

*белсенді заттар:*

Ретинол пальмитаты 1,7 млн ХБ/г (А дәрумені)	900 ХБ
Холекальциферол 1 млн ХБ/г (D <sub>3</sub> дәрумені)	100 ХБ
Аскорбин қышқылы (С дәрумені)	50,000 мг
Тиамин гидрохлориді (В <sub>1</sub> дәрумені)	1,000 мг
Рибофлавин натрий фосфаты (В <sub>2</sub> дәрумені)	1,000 мг
Пиридоксин гидрохлориді (В <sub>6</sub> дәрумені)	0,600 мг
Цианокобаламин (В <sub>12</sub> дәрумені)	0,001 мг
Никотинамид (РР дәрумені)	5,000 мг
Декспантенол (D – пантенол)	2,000 мг

*қосымша заттар:* агар, трагакант, сахароза, сұйық глюкоза, апельсин майының хош иістендіргіші, грейпфрут хош иістендіргіші, апельсин хош иістендіргіші, полисорбат 80, лимон қышқылының моногидраты, Ponseau 4R (E124) бояғышы, натрий бензоаты, тазартылған су

***Сыртқы түрінің, иісінің, дәмінің сипаттамасы***

Қою тұтқыр көзге көрінетін қосылыстары болуы мүмкін ашық-сарыдан қоңыр қызыл сары түске дейінгі жағымды иісі және қышқыл дәмі бар сұйықтық.

### **Сақтау мерзімі**

2 жыл.

Жарамдылық мерзімі өткеннен кейін қолдануға болмайды!

### **Сақтау шарттары**

Түпнұсқалық қаптамасында, 25 °С-ден аспайтын температурада, жарықтан қорғалған жерде сақтау керек.

Балалардың қолы жетпейтін жерде сақтау керек.

### **Дәріханалардан босатылу шарттары**

Рецептісіз

### **Шығарылу түрі және қаптамасы**

150 мл шәрбаттан бірінші ашылуы бақыланатын бұралып жабылатын полиэтилен қақпағы бар күңгірт шыныдан жасалған шыны құтыларға құйылады.

Өлшеуіш қасығымен және медициналық қолдану жөніндегі қазақ және орыс тіліндегі нұсқаулығымен бірге 1 құты картон қорапшаға салынады.

### **Өндіруші туралы мәліметтер**

КРКА, д.д., Ново место

Шмарьешка цеста 6, 8501 Ново место, Словения

### **Тіркеу куәлігінің ұстаушысы**

КРКА, д.д., Ново место

Шмарьешка цеста 6, 8501 Ново место, Словения

тел.: +386 7 331 21 11

факс: +386 7 332 15 37

[info@krka.biz](mailto:info@krka.biz)

**Қазақстан Республикасы аумағында тұтынушылардан дәрілік заттар сапасына қатысты шағымдар (ұсыныстар) қабылдайтын және дәрілік заттың тіркеуден кейінгі қауіпсіздігін қадағалауға жауапты ұйымның атауы, мекенжайы және байланыс деректері (телефон, факс, электронды пошта)**

«КРКА Қазақстан» ЖШС

Қазақстан Республикасы, 050040, Алматы қ., Шағын ауданы КОКТЕМ-1, үй  
15А, офис 601  
тел.: +7 (727) 311 08 09  
[info.kz@krka.biz](mailto:info.kz@krka.biz)